

## ZAPISNIK

o sastanku delegacija socijalnih partnera radi usuglašavanja spornih pitanja u Nacrtu zakona o sigurnosti i zdravlju na radu

Na temelju zaključka Ekonomsko socijalnog vijeća donesenog na 99-23 sjednici od 11.03.2014. Federalno ministarstvo rada i socijalne politike organiziralo je sastanak delegacija socijalnih partnera radi razmatranja i usuglašavanja spornih odredaba u Nacrtu zakona o sigurnosti i zdravlju na radu.

Sastanak je održan 04.04.2014. godine u Federalnom ministarstvu rada i socijalne politike, kojem su prisustvovala delegacije socijalnih partnera i to:

Delegacija Saveza samostalnih sindikata

1. Mahmutović Rifat
2. Iveljić Kata
3. Husić Sinan
4. Bajramović Muhamed
5. Kazić Zorica

Delegacija Udruženja poslodavaca Federacije BiH

1. Pandurević Mladen
2. Zečević Hazim
3. Muslić Haris
- 4.

Ispred Federalnog ministarstva rada i socijalne politike

1. Kadribegović Džana
2. Mikulić Aida

Prije početka rasprave o tekstu Nacrta zakona o sigurnosti i zdravlju na radu, predstavnik delegacije Udruženja poslodavaca, Mladen Pandurević je zatražio od Delegacije sindikata da se izjasni da li ta delegacija ima mandat da sva rješenja pojedinih spornih odredbi o kojima se postigne suglasnost na ovom sastanku budu ugrađena u Nacrt zakona koji će kao konačni tekst, bez dodatnih rasprava na nadležnim tijelima Saveza samostalnih sindikata BiH, biti dostavljen Vladi FBiH, radi upućivanja u parlamentarnu proceduru. Ovlašćena delegacija u ovom smislu, su prema stavu Delegacije poslodavaca osnovni preduvjet za rad na usuglašavanju, a u protivnom, održavanje sastanka smatra bespredmetnim.

Delegacija sindikata je istakla da bi postupanje na način kako to zahtijeva Udruženje poslodavaca bilo suprotno njihovim pravilima o radu i općim aktima, te navela da ni zaključak Ekonomsko socijalnog vijeća nije bio u tom smislu. Član Delegacije sindikata, Rifat Mahmutović je naglasio da, ako Udruženje poslodavaca na ovom sastanku ne želi raspravljati o spornim pitanjima i rješenjima koja su za njih neprihvatljiva, Delegacija sindikata prihvata i podržava Nacrt zakona o sigurnosti i zdravlju na radu u tekstu koji je utvrdila Vlada Federacije BiH.

Kako Delegacija sindikata nije mogla potvrditi da ima ovlasti za konačno rješavanje spornih pitanja i utvrđivanje konačnih rješenja u Nacrtu zakona, Delegacija Udruženja poslodavaca je napustila sastanak, čime je dalji rad ostalih učesnika prekinut.

POMOĆNICA MINISTRA  
Džana Kadribegović, s.r.